

I.4. CILJEVI I PRIORITETI SREDNJOROČNE RAZVOJNE STRATEGIJE BIH (PRSP)

I.4.1. CILJEVI SREDNJOROČNE RAZVOJNE STRATEGIJE (PRSP)

1. Ostvariti pretpostavke za samoodrživ i ujednačen ekonomski razvoj

Realizacijom reformskog makroekonomskog scenarija Srednjoročne razvojne strategije, Bosna i Hercegovina bi do kraja 2007. godine trebalo da povрати djelomičnu kreditnu sposobnost na međunarodnom tržištu kapitala, uspostavi funkcionalnu tržišnu ekonomiju i ojača sposobnost domaćih privrednih subjekata da izdrže konkurentske udare na vanjskim tržištima, a posebno na tržištu EU. S obzirom na prisutne različitosti u ekonomskom razvoju zemlje, važan akcenat u realizaciji ekonomskih politika u narednom periodu treba staviti na stvaranje preduvjeta za ujednačen razvoj svih dijelova BiH.

2. Smanjiti siromaštvo

Svaki peti stanovnik u BiH može se smatrati siromašnim.¹ Implementacija Srednjoročne razvojne strategije BiH (PRSP) zahtijeva ubrzanje strukturalnih reformi, koje u kratkom roku mogu prouzročiti gubitak radnih mjesta, a time i povećanje siromaštva. Stoga će u narednom srednjoročju vlade na svim nivoima poduzimati mjere ekonomske politike, koje će imati za cilj sprečavanje rasta siromaštva i smanjenje njegovog postojećeg nivoa za 20 odsto.

3. Ubrzati integracije u Evropsku uniju (EU)

Integracija BiH u EU je opšteprihvaćeni cilj svih vlada i segmenta društva u BiH. Međutim, da bi taj epohalni cilj bio ostvaren, bosanskohercegovačko društvo treba pokazati da posjeduje vrijednosti koje njeguje EU.² U toku pripreme Srednjoročne razvojne strategije BiH, u suradnji sa institucijama u BiH, a posebno sa Direkcijom BiH za evropske integracije, u dokument su integrisana pitanja od važnosti za ostvarenje ovog cilja. Stoga će implementacija strategije doprinijeti bržoj integraciji zemlje u EU, a fokus je stavljen na potpisivanje i implementaciju Sporazuma o stabilizaciji i pridruživanju (SAA).

S obzirom na komplementarnost sa SAA, PRSP strategija će biti uzeta u obzir prilikom izrade Nacionalnog plana za usvajanje «Aquis communautaire-a» (NPAA), kao jednog od temeljnih dokumenata u procesu evropskih integracija. Sama provedba PRSP strategije će doprinijeti ispunjavanju drugog i trećeg kriterija iz Kopenhagena³, odnosno uspostavljanju djelotvorne tržišne ekonomije i njene opstojanosti na tržištu Unije (2⁴) i sposobosti preuzimanja obaveza koje proizilaze iz članstva (3⁵).

¹ Rezultati LSMS

² "Izveštaj Komisije Vijeću o spremnosti BiH za otpočinjanje pregovora sa EU o Sporazumu o stabilizaciji i pridruživanju" (Studija izvodljivosti), Brisel, 18.11.2003.

³ 1993. godine u Kopenhagenu Evropska unija je donijela tri kriterijuma vezana uz članstvo zemalja u EU

⁴ drugi kriterij, Kopenhagen, 1993. godine

⁵ treći kriterij, Kopenhagen, 1993. godine

I.4.2. PRIORITETI SREDNJOROČNE RAZVOJNE STRATEGIJE (PRSP)

Generalni proriteti za postizanje ciljeva Srednjoročne razvojne strategije BiH (PRSP):

- ***Postići opštedruštveni konsenzus oko programa reformi, koje treba implementirati u narednom periodu***
- ***Očuvati makroekonomsku stabilnost***
- ***Provesti reformu fiskalnog sistema***
- ***Osigurati brži razvoj izvozno orijentiranog privatnog sektora, što će zahtijevati:***
 - a) unapređenje poslovne klime za domaća i strana ulaganja i podršku razvoju poduzetništva,
 - b) ubrzanje procesa privatizacije,
 - c) smanjenje stepena korupcije u društvu i provođenje reforme sudstva,
 - d) očuvanje stabilnosti finansijskog sektora i brži razvoj tržišta kapitala,
 - e) provođenje reforme tržišta rada,
 - f) dalju liberalizaciju vanjske trgovine u regiji,
 - g) podršku izvozu.
- ***Provesti reformu javne uprave***
- ***Uspostaviti adekvatan sistem socijalne zaštite***
- ***Provesti reforme privrednih sektora, a posebno:***
 - a) reformu obrazovanja,
 - b) liberalizirati tržište električne energije,
 - c) liberalizirati tržište PTT usluga,
 - d) osigurati veću podršku poljoprivrednoj proizvodnji.
- ***Sklopiti Sporazum o stabilizaciji i pridruživanju sa EU (SAA) koji bi trebao biti rezultat provođenja gore navedenih reformi***
- ***Ostvariti članstvo u Svjetskoj trgovinskoj organizaciji (WTO)***

Navedeni prioriteti detaljno su razrađeni u daljim dijelovima Srednjoročne razvojne strategije BiH (PRSP).